

Tɔne gyangbate keɲ Gyɔn be ɲmarase nɛ

Nombii keɲ kɛɛ fa nyeedon

¹ Walan ɲon ɔ be kyaa leenan kewalan keɲ nɛ wose man nombia yaa mɛɛ ɲmarase mɛɛ fa ɲon. ɲon yena walan ɲon dɔɔ nyii ɔ nɔɔwoya te dɔɔ naa e. Daa gbagba naa e na de sia fonɛɛ te da moo de nyinmaase tina e. ɲon yena Yesu Kristo, nombii keɲ kɛɛ fa nyeedon kekpaɔ nɛ.

² Wurubuare lesena mena walan kei wola daa te de naa e. ɲon ne faa na nyeedon keɲ ba lee Wurubuare gbagba gyan nɛ. Deban kei man nɛ ɔ wose man nombii yaa dee di adanseɛ yako ɲon nyiaa, ɲon yena walan ɲon ɔ ne fa nyeedon kekpaɔ keɲ. Nafɔ na ɔ kyae kya ɲon gyan, mɔna nɛnɛɛ dɔɔ ɔ ta lese e wola daa.

³ Walan ɲon daa gbagba be naa e na de sia, te dɔɔ nyii ɔ nɔɔwoya nɛ wose man nombia yaa dɛɛ yako ɲon nɛ. Dɛɛ yako ɲon baa na emɛɛ mɔ kenyin kaa kpu na daa ban daa na de kya Wurubuare na ɔ bu Yesu Kristo ɲon nɔɔ yɛɛ dokolon nɛ, na de popou nɔɔ ke yɛɛ dokolon.

⁴ Dɛɛ gyae nyi mena gyon kei ke doo de man nideli, mena dɔɔ te dɛɛ ɲmarase ɲon mena nombia keɲa nɛ.

Ɛ ta keɲmanɛe man

⁵ Nɔɔwoya ɲan Wurubuare bu ɲon ba mo fa daa te daa mɔ ne yako ɲon nɛ yena nyiaa,

Wurubuare yɛ ɲgba kenmanɛe nɛ te ditɪntɛɛ be doo ɔ man korakora ya.

⁶ Lee mena dɔɔ nyi akpaa de yako nyi nɔɔdokolonɔ doo daa na e man te de sɛɛ dɛɛ yɛɛ ditɪntɛɛ man abɔɔ na, dee dii akɛrɛɛ bo te anokoare kenɔ Wurubuare ba lese wola nɛ be doo de man ya.

⁷ Mɔna nyi akpaa de kyaa Wurubuare kenmanɛe kenɔ man ɲgba mena kenɔ ɲon gbagba kyaa ke man nɛ, na nɔɔdokolonɔ doo daa na de tebia man. Kenanɔ na ɔ bu Yesu Kristo fatabo kenɔ ne gberaa da ayimɛɛ kamase lee da wose man.

⁸ Akpaa de yako nyi dukum be doo de man ya na dɛɛ beo da wose bo, te anokoare kenɔ Wurubuare ba lese wola nɛ be doo de man ya.

⁹ Nyi akpaa de lɛɛ di de konɔɔse man nyi da te yɛɛ dukum te de tolɛɛ ɲa fa Wurubuare na, waa mo ɲa pou kyɛɛ daa na waa gberaa daa lee ayimɛɛ kamase man. Nawolo nyi ɔ ne di ɔ nombia dɔɔ te ɔ gbɛɛnɛɲ mɔ tenɛɛ.

¹⁰ Akpaa de yako nyi da te yɛɛ ta dukum korakora ya na, de ta besena Wurubuare yɛɛ dekarate. Kei nawolo baa nyi de bɛɛ lɛɛ ɔ nombia ɲan ɔ be yako daa nɛ di ya.

2

¹ Me bia, mɛɛ ɲmarase nombia kenɔ mɛɛ fa ɲon na ɛ be nyiɲ yɛɛ dukum ya. Te akpaa ɲolo de yɛɛ dukum na, de dana tereete ɲon ɔ seɲɛɛ Wurubuare siaman ɔ ne doo teree fa daa. ɲon yɛna Yesu Kristo ɲon ɔ gbɛɛnɛɲ tenɛɛ Wurubuare siaman nɛ.

² Nɔn gbagba moona ɔ wose deesi tɔ de nombiakumɛɛ kom, lee mena dɔɔ te Wurubuareɛ moo de nombiakumɛɛ kyɛɛ daa. Na daa daagen nombiakumɛɛ te ɔ moowɔ kyɛɛ daa ya, mɔna tɛɛle kei dɔɔ balan pou nombiakumɛɛ mɔ kpue.

³ Akpaa nyi de nyii Wurubuareɛ dei na, kenan na dɛɛ tale gyɔ de konɔɔ nyi da gyen e.

⁴ Lee mena dɔɔ nyan walan nɔn n yako nyi “N gyen e” mɔna n bee nyii ɔ dei ya na, n yɛɛ dekarate e te anokoare ken Wurubuareɛ ba lese wola nɛ be doo n man ya.

⁵ Te nyan nɔn n ne nyii Wurubuareɛ dei na, Wurubuareɛ kegyae gbagba ken doo n man nideli. Kpene ken gyae ke yela dɛɛ gyen nyi daa na e dana nɔɔdokolon yena nyi,

⁶ nyan nɔn n yako nyi emɛɛ na Wurubuareɛ dana nɔɔdokolon na, kaboena nyi nya kyaa ngba mena ken Yesu be kyaa nɛ.

Wurubuareɛ kpa dɛɛ gyae dɔɔna

⁷ Me gyooona kpaakpaa, na mmaraa wɔle yaa mɛɛ nmarase maa fa nɔn ya, mɔna mmaraa bene ken ε be nyii lee deban ken ε be lee Yesu di nɛ. Mmaraa kei yena nombia nɔn ε betan nyii nɛ.

⁸ Mɔna kei ta bese mmaraa wɔle ken mɛɛ nmarase mɛɛ fa nɔn. Yesu Kristo kekyaa man na, ɔ dinɔɔ wolawɔ nyi ke yɛɛ mmaraa wɔle ke. Emɛɛ gbagba mɔ ε dinɔɔ na wolo nyi ke yɛɛ mmaraa wɔle ke. Nawolo nyi kenmanjee ken tan bɛɛ lee, te ka te yeli ditintɛɛ ken mɔ ne nɔaalaa.

⁹ Nyaŋ ɲon n kpa n doo kenmanɛe ken man te n sɛɛ n ne kɔla n dɔɔ na, n sɛɛ n doo ditɪntɛɛ ken man baa.

¹⁰ Mɔna nyaŋ ɲon n ne gyae n dɔɔ na n doo kenmanɛe ken man, te kolo mɔ be doo n man ken gyae ke yela n kegyɔ n nae ya.

¹¹ Mena dɔɔ nyaŋ ɲon n ne kɔla n dɔɔ na, n doo ditɪntɛɛ ken man te n dɔŋɛɛ ke man. N ba gyen botɔɔ ken n ne gyu ya nawolo nyi ditɪntɛɛ ken te tɔ n sia.

¹² Me bia kpaakpaa,
mɛɛ ɲmarase nombia kenja mee yelee ɲon,
nawolo nyi lee Kristo yelee man dɔɔ
Wurubuare ta mo ɛ nombiakumɛɛ kyɛɛ
ɲon.

¹³ Kyaɔ, mɛɛ ɲmarase nombia kenja mee yelee
ɲon,
nawolo nyi ɛ gyen walaŋ ɲon ɔ kyaa lee
kewalaŋ ken nɛ.

Tewulɛɛ, mɛɛ ɲmarase nombia kenja mee yelee
ɲon,
nawolo nyi ɛ te di walaŋkum ɲon dɔɔ.

Me bia kpaakpaa, mɛɛ ɲmarase nombia kenja
mee yelee ɲon,
nawolo nyi ɛ te kɔŋ kaa gyen de kya
Wurubuare ɲon.

¹⁴ Kyaɔ, mɛɛ ɲmarase nombia kenja mee yelee
ɲon,
nawolo nyi ɛ gyen ɲon ɔ kyaa lee kewalaŋ
ken nɛ.

Tewulɛɛ, mɛɛ ɲmarase nombia kenja mee yelee
ɲon,
nawolo nyi Wurubuare nombia doo ɛ man

te ε senεε ηε man nideli
te ε te di walaηkum ηon dɔɔ.

Ε na mo ε sia gyakaa tεεle kei dɔɔ abɔɔ dɔɔ ya

¹⁵ Ε na mo ε sia gyakaa tεεle kei dɔɔ nombia na ka abɔɔ kumεε dɔɔ ya. Akpaa walaη da mo ɔ sia gyakaa tεεle kei abɔɔ dɔɔ na, nawolo baa nyi ɔ bεε gyae de kya Wurubuare ηon ya.

¹⁶ Mena abɔɔ ηenanη ηaale yena ηgba abɔɔ kumεε ηan deniwalaη ne gyae nyi waa yεε nε, na ηan deniwalaη sia ne naa te ηεε gyɔ e loo, na ηan de dana te dεε gyɔ de konɔɔ nε. Mena dinɔɔ keηa pou ta lee de kya Wurubuare gyaη ya. Na lee lookum keη dεε mo gyakaa tεεle kei dɔɔ abɔɔ dɔɔ nε man.

¹⁷ Tεεle kei na ηa abɔɔ ηan pou balanη na mo be loo gyakaa ηe dɔɔ nε ne lem baa. Mɔna walaη kamase ηon ɔ nyii Wurubuare dei te ɔ yεε kpene keη Wurubuare ne gyae na waa nyinη nyeedonη kekpaη keη.

Kristo kɔlare ηon

¹⁸ Me bia kpaakpaη, debaη keη tεεle kei gyae kekɔη kɔ ɔto nε ta benaa. De taη taηgbεε yako ηon nyi tεεle kei da benaa kɔ ɔto na, Kristo kɔlare ηon waa kɔη. Te debokeiman nε dεε naa nyi Kristo kɔlala burum kyaa tεεle kei dɔɔ. Kei nawola la nyi debaη keη tεεle kei gyae kekɔη kɔ ɔto nε ta benaa.

¹⁹ Nafɔ mena balanη kewɔ kpue na daa, te keη daa na wɔ nɔɔ te yεε dokolonη dɔɔ ya te ba leewɔ de man. Daa na wɔ nɔɔ denη yεε dokolonη na, nafɔ beη ta lee de man ya. Be ka lee de man

nawolo nyi daa na be man walaŋ kamase te yeε nɔɔdokolon ya.

²⁰ Mɔna emεε dɔɔ ε gyeŋ anokoare keŋ Wurubuare ba lese wola ne, nawolo nyi Kristo ta mo ɔ felin ŋon do ε man.

²¹ Na keŋ ε ba gyeŋ anokoare keŋ dɔɔ te mεε ŋmarase ŋon tɔne kei ya, mɔna keŋ ε gyeŋ anokoare keŋ dɔɔ. Te ε gyeŋ nyi dekarate kamase be doo anokoare keŋ Wurubuare ba lese wola ne man ya.

²² Amɔte yena dekarate baa? Dekarate yena ŋon ɔ beε nyi na Yesu yena Kristo, walaŋ ŋon Wurubuare be yako see nyi waa kaa leε da nyee ya ne. Ɔtenate yena Kristo kolare ŋon, nawolo nyi ɔ te beε de kya Wurubuare ŋon na ɔ bu Yesu Kristo ŋon pou.

²³ Nyaŋ ŋon n beε Wurubuare bu ŋon na n te beε de kya Wurubuare ŋon mɔ baa, te nyaŋ ŋon n leε Wurubuare bu ŋon di na n leε de kya Wurubuare ŋon mɔ baa di.

²⁴ Ε keε nideli nyi Kristo nombia ŋan ε be nyii lee kewalaŋ ne, deε dɔɔ ε man debaŋ kamase. Akpaa ε yeli Kristo nombia ŋan ε be nyii lee kewalaŋ keŋ de dɔɔ ε man na, gyae ke yela emεε mɔ na Kristo na ɔ kya Wurubuare keyεε nɔɔdokolon.

²⁵ Lee mena dɔɔ dee nyin nyeedon kekpaɔ keŋ ɔ be yako see nyi waa fa daa ne.

²⁶ Balan ban beε beo ŋon ne dɔɔ te mεε ŋmarase nombia keŋa mee yelee ŋon, na ε ke nyin doo ε wose dɔɔ.

²⁷ Mɔna emεε dɔɔ Wurubuare felin ŋon Kristo ba moo do ε man ne te dɔɔ ε man. Lee

mena dɔɔ tekaboena nyi ɲolo waa wola ɲon kolo bela ya. Nawolo nyi Wurubuarɛ felin ɲon ne gyae la waa wola ɲon kpene kamase. Abɔɔ ɲan pou ɔ na wolo ne yeɛ anokoare ken dekada be dɔɔ ɲe man ya. Mena dɔɔ ɛ yeɛ nɔɔdokolon na Kristo ɲgba mena ken Wurubuarɛ felin nawola ɲon ne.

²⁸ Me bia kpaakpaa ɛ gyakaa yeɛ nɔɔdokolon na e, na wee ken ɔ bese kɔɲ na dɛɛ tale gyɔ de konɔɔ ɔ siaman ken desɛɲ yaa gyakolon be kyan daa ya.

²⁹ ɛ gyen nyi Kristo nombia tenɛɛ, lee mena dɔɔ walaɲ kamase ɲon ɔ ne yeɛ kpene ken dei Wurubuarɛ siaman na ɔtenate yeɛ Wurubuarɛ bu e.

3

¹ ɛ keɛ kegyae kpaakpaa ken de kya Wurubuarɛ ne gyae daa, te ɔ ne baake daa nyi ɔ bia gbagba te ampan de yeɛ ɔ biawɔ. Kpene ken dɔɔ tɛɛle kei dɔɔ balan ba gyen nyi de yeɛ Wurubuarɛ biawɔ yena nyi, bɔɔ gyen Wurubuarɛ gbagba ya.

² Me gyooona kpaakpaa, nenɛɛ de yeɛ Wurubuarɛ biawɔ, te dinɔɔ ken waa yela dee nyin wee daale ne, ɔ ta lese ta ke wola daa ya. Mɔna da gyen nyi wee ken waa kɔɲ ne dɛɛ yeɛ ɲgba ɲon ne, nawolo nyi dɛɛ naa e na dɛɛ gyen mena ken ɔ doo.

³ Walaɲ kamase ɲon ɔ loo gyakaa ɔ dɔɔ mena ne, ɔtenate waa wɔɲ ɔ wose lee dukum keyɛ man ɲgba Kristo ne.

⁴ Walaŋ kamase ŋon ɔ yee dukum na ɔ ta fom Wurubuaɛ mmaraa keŋ, nawolo nyi dukum keyee yena Wurubuaɛ mmaraa kafom.

⁵ Mɔna ε gyeŋ nyi Yesu Kristo kɔŋae na ɔ kaa lese daa lee dukum man, te ε gyeŋ mɔ nyi dukum kamase be doo ɔ man ya.

⁶ Mena dɔɔ walaŋ kamase ŋon ŋon na Kristo dana nɔɔdokolɔŋ na, ɔ bee doo dukum keyee man bela ya. Kei nawolo nyi ŋon ɔ gyakaa ɔ ne yee dukum na, ɔ te naa ta Yesu Kristo ya te ɔ ba gyeŋ ɔ dinɔɔ mɔ ya.

⁷ Me bia kpaakpaa, ε na yela ŋolo ka beo ŋon do dukum keyee man ya. Nyaŋ ŋon n yee nombia kpaakpaa na, n gbɛeneŋ tenɛɛ Wurubuaɛ siaman ŋgba mena keŋ Kristo gbɛeneŋ tenɛɛ nɛ.

⁸ Walaŋ ŋon ɔ gyakaa ɔ ne yee dukum na ɔ yee ɔbɔnsam walaŋ e, nawolo nyi ɔbɔnsam yee dukumyɛere e leenaŋ kewalaŋ keŋ pou. Kpene keŋ dɔɔ Wurubuaɛ bu ŋon be kɔŋ yena nyi, ɔ kɔŋae ɔ kaa wɔlee ɔbɔnsam tom.

⁹ Walaŋ ŋon ɔ yee Wurubuaɛ bu e na, ɔ be doo dukum keyee man ya nawolo nyi Wurubuaɛ dinɔɔ doo ɔ man. Te ɔ be gyae waa tale gyakaa dukum keyee dɔɔ ya, nawolo nyi ɔ yee Wurubuaɛ bu e.

¹⁰ Nnɛ te dɛɛ mo gyeŋ baŋ be yee Wurubuaɛ bia na baŋ be yee ɔbɔnsam wui. Nyaŋ ŋon n bɛɛ yee kpene keŋ dei ya yaa nyaŋ ŋon n bɛɛ gyae n dɔɔ ya na n te yee Wurubuaɛ bu e ya.

Ɛ gyae dɔŋa

11 Nombii ken ε be nyii leenanɔ debanɔ ken ε be lɛɛ Yesu Kristo di ne yena nyi “Dɛɛ gyae dɔŋa.”

12 Ε na yɛɛ ηɔba balee ηon bɛɛ baake e nyi Kani ne ya. Na Kani yɛɛ ɔbɔnsam walaη e te ɔ koo ɔ naabu. Wonɔ dɔɔ te Kani koo ɔ naabu? Nawolo nyi ηon Kani gbɛeneη ba tenɛɛ Wurubuare siaman ya, te ɔ naabu gbɛeneη tenɛɛ.

13 Mena dɔɔ me naabia, nyi tɛɛle kei dɔɔ balanɔ ne kola ηon na ε na yeli ke yɛɛ ηon gyakolonɔ ya.

14 Da gyeη nyi daa dɔɔ de ta lee yeη man kɔη nyeedonɔ kekpaɔ man, nawolo nyi dɛɛ gyae dɔŋa dɔɔ. Walaη ηon ɔ bɛɛ gyae ɔ dɔɔ ya na, ɔ sɛɛ ɔ doo yeη nyiηmaa man.

15 Nyany ηon n ne kola n dɔɔ na n yɛɛ awudiini e Wurubuare siaman, te ε gyeη mɔ nyi awudiini kamase be dana nyeedonɔ kekpaɔ ken ya.

16 Yesu Kristo ka mo ɔ nyee lɛɛ daa dɔɔ, te da gyeη mena ken kaboena nyi daa mɔ dɛɛ gyae de tebia. Mena dɔɔ kaboena nyi daa mɔ dɛɛ mo da nyeeya lɛɛ de tebia.

17 Nyi akpaɔ ηolo dana abɔɔ tɛɛle kei dɔɔ te ɔ naa nyi te hia ɔ dɔɔ, te ɔ bɛɛ lese ɔ sia yela e na sena te ɔtenate waa tale yako nyi Wurubuare kegyae doo ɔ man?

18 Me bia kpaakpaɔ, ε na fa dɛɛ mo nɔɔ yakaa gyae dɔŋa ya, mɔna ε yela dɛɛ yɛɛ deeli fa dɔŋa anokoare man.

19 Kei ne gyae la ke yela dɛɛ gyeη nyi de yɛɛ Wurubuare ηon ɔ dana anokoare ken ne wui. Mena dɔɔ akpaɔ de konɔɔse de bu daa fɔɔ

koran na, dɛɛ tale seŋ Wurubuaɛ siaman keŋ doo yee gyakolon ya.

²⁰ Nawolo nyi Wurubuaɛ kela de konɔɔse te o gyen kpene kamase man.

²¹ Me gyoona kpaakpaa, akpaa de konɔɔse bee bu daa foɔ ya na, dɛɛ tale seŋ Wurubuaɛ siaman keŋ doo yee kolo ya.

²² Te da sola e kpene kamase na dee nyin ke, nawolo nyi dee nyii o dei te dɛɛ yee kpene keŋ o ne gyae.

²³ Kei yena kpene keŋ o ne gyae nyi dɛɛ yee. Dɛɛ lee o bu Yesu Kristo di, na dɛɛ gyae donɔ ngba mena keŋ o be yako daa ne.

²⁴ Walaŋ kamase non o ne nyii Wurubuaɛ dei na, non na Wurubuaɛ noo yee dokolon. Wurubuaɛ felin non o ba mo do de man ne, yele la da gyenawo nyi daa na Wurubuaɛ noo yee dokolon.

4

Wolala kpaakpaa na wolala kumee

¹ Me gyoona kpaakpaa, e na lee walaŋ kamase non o kpa Wurubuaɛ felin non doo o man ne di yakaa yakaa ya. Mɔna e keese o nombia non o na wolo ne kee nyi na lee Wurubuaɛ gyan? Nawolo nyi balaŋ burum don bee dii akereɛ nyi be nombia non bee kolosi ne lee Wurubuaɛ gyan.

² Nne te e ka mo gyen nyi Wurubuaɛ felin non doo otenate man. Walaŋ kamase non waa lee do yako nyi Yesu Kristo bese deniwalan kon teele kei doo ne, na Wurubuaɛ nombia non walaŋ nonan ne kolosi ne yee anokoare.

³ Te walaŋ ñon ɔ beɛ lɛɛ nombii kei do na waa yako ke mena ya na, kenan na Wurubuaɛ nombia ñan ɔtenate kpa ɔ ne kolosi nɛ yɛɛ dekara ke, nawolo nyi ke ta lee Wurubuaɛ gyan ya. ɔtenate yɛɛ Kristo kolare ñon walaŋ e. Be wulaa yako ñon Kristo kolala kɛwɔ kekɔŋ nombia, te debokeiman man gba be wulaa be kyaa tɛɛle kei dɔɔ.

⁴ Me bia kpaakpaa, emɛɛ dɔɔ ɛ yɛɛ Wurubuaɛ biawɔ te ɛ te di akɛɛɛtena kɛwɔ dɔɔ. Ba te tale beo ñon ya, nawolo nyi Wurubuaɛ felin ñon ɔ doo ɛ man nɛ, ɔ kela Kristo kolare ñon felin keŋ doo tɛɛle kei dɔɔ balan man nɛ.

⁵ Mena akɛɛɛtena kɛwɔ dɔɔ be yɛɛ tɛɛle kei dɔɔ balanwɔ te tɛɛle kei dɔɔ agyueŋ te be dana, mena dɔɔ te tɛɛle kei dɔɔ balan ne nyii wɔ.

⁶ Te daa dɔɔ de yɛɛ Wurubuaɛ biawɔ. Walaŋ ñon ɔ gyeŋ Wurubuaɛ nɛ ne nyii daa, te ñon ɔ te yɛɛ Wurubuaɛ wui ya na ɔ bee nyii daa ya. Lee kei man te dɛɛ mo gyeŋ baŋ be nombia ñan beɛ wolo nɛ ba lee Wurubuaɛ anokoarete ñon gyan, na baŋ be wui ba lee Wurubuaɛ kolare dekarate ñon gyan.

Ɛ fa dɛɛ gyae dɔŋa

⁷ Me gyoona kpaakpaa, ɛ fa dɛɛ gyae dɔŋa nawolo nyi dɔŋa kegyae kei lee Wurubuaɛ gyan. Ɛ man walaŋ kamase ñon ɔ ne gyae ɔ tebia na, ɔtenate yɛɛ Wurubuaɛ bu e te ɔ gyeŋ Wurubuaɛ mɔ.

⁸ Walaŋ kamase ŋon ɔ beɛ gyae ɔ tebia ya na ɔtenate ba gyen Wurubuaɛ ya. Nawolo nyi kegyae pou nyee yena Wurubuaɛ.

⁹ Nne te Wurubuaɛ lesewɔ wola nyi ɔ ne gyae daa. Wurubuaɛ kpila ɔ bu dokolon koon ŋon ɔ dana ne kɔŋ tɛele kei dɔɔ, na dɛɛ ta ɔ dɔɔ nyin nyeedon kekpa.

¹⁰ Nne yena kegyae gbagba. Te yɛɛ nyi daa tanɔbeɛ la gyae Wurubuaɛ nombia ya, mɔna ŋon gyae na daa te ɔ kpila ɔ bu te ɔ kaa moo ɔ wose deesi fa de nombiakumɛɛ. Te Wurubuaɛ tɛwɔ ke dɔɔ mo de nombiakumɛɛ ŋenan kyɛɛ daa.

¹¹ Me gyoona kpaakpa, nyi nne te Wurubuaɛ gyae daa na kaboena nyi daa mɔ dɛɛ gyae dɔŋa mena.

¹² Nɔlo na nɔlo te naa ta Wurubuaɛ na ɔ sia ya, mɔna akpa de gyae dɔŋa na daa na Wurubuaɛ nɔɔ te yɛɛ dokolon, nawolo nyi ɔ te yeli dɛɛ gyae dɔŋa ŋgba mena ken ɔ ne gyae nɛ.

¹³ Lee ɔ felin ŋon ɔ ba mo do de man dɔɔ, da gyen nyi daa na e dana nɔɔdokolon.

¹⁴ Da te naa mɔ te dee di adanseɛ nyi de kya Wurubuaɛ ŋon kpila na ɔ bu Kristo ŋon nyi ɔ kaa lɛɛ tɛele kei dɔɔ balan pou nyee.

¹⁵ Walaŋ kamase ŋon ɔ lɛɛ do te ɔ gyusu ɔ nɔɔ yako nyi Yesu yena Wurubuaɛ bu ŋon na, ɔtenate na Wurubuaɛ dana nɔɔdokolon.

¹⁶ Da gyen kegyae ken Wurubuaɛ ne gyae daa, mena dɔɔ de ta mo da wose lɔ kegyae kei dɔɔ. Kegyae pou nyee yena Wurubuaɛ mena dɔɔ nyaŋ ŋon n ne gyae Wurubuaɛ na n tebia na, emɛɛ na Wurubuaɛ dana nɔɔdokolon.

17 Akpaa kegyae kei doo de man nideli ngba mena keŋ Wurubuaɛ ne gyae nɛ, na gyae ke yela wee keŋ Wurubuaɛ waa di tɛɛle kei dɔɔ balan pou nombia nɛ, dɛɛ tale seŋ ɔ siaman keŋ nyi dɔɔ yee kolo ya. Nawolo nyi da ke kyaa tɛɛle kei dɔɔ na, daa na e dana nɔɔdokolon.

18 Nyi kegyae doo balan man na gyakolon bee doo be man ya. Nawolo nyi kegyae kpaakpaa ne gegi gyakolon. Walaŋ ŋon ɔ gyeŋ nyi baa wɔŋ ɔ denjele na ŋon ne yee la. Mena dɔɔ walaŋ ŋon ɔ ne yee nyi Wurubuaɛ waa wɔŋ ɔ denjele nɛ, na Wurubuaɛ kegyae keŋ be doo ɔtenate man ngba mena keŋ Wurubuaɛ ne gyae nɛ ya.

19 Dɛɛ gyae Wurubuaɛ na de tebia nawolo nyi ŋon tanɔgbɛɛ la gyae daa.

20 Akpaa n yako nyi “N ne gyae Wurubuaɛ” te n ne kɔla n dɔɔ na n yeɛ dekarate e. Nawolo nyi nyan ŋon n bɛɛ gyae n dɔɔ deniwalaŋ ŋon n ne naa e na n sia ya na, sena te n ke tale gyae Wurubuaɛ ŋon n bɛɛ naa e ya nɛ?

21 Mmaraa keŋ Kristo ba mo fa daa yena nyi, nyan ŋon n ne gyae Wurubuaɛ na kaboena nyi nya gyae n dɔɔ mɔ.

5

Wurubuaɛ bia te di don tɛɛle kei dɔɔ

1 Walaŋ kamase ŋon waa lɛɛdi nyi Yesu yena Kristo ŋon nɛ yeɛ Wurubuaɛ bu e, te ŋolo ne gyae bu ɔ kya nɛ na ɔ ne gyae bu ŋon mɔ baa.

2 Akpaa dɛɛ gyae Wurubuaɛ te dee nyii ɔ dei na, kei nawola la nyi dɛɛ gyae Wurubuaɛ bia.

³ Akpaa de nyii Wurubuare dei na, ken nawola la nyi dɛɛ gyae Wurubuare te ɔ mmaraase njan mɔ be tan don nyi dɔɔ tale di ne dɔɔ ya.

⁴ Nawolo nyi Wurubuare bu kamase te di don tɛele kei dɔɔ, te da ke lɛɛ Yesu Kristo di yele la te de dii don tɛele kei dɔɔ.

⁵ Amɔte ne gyae la waa tale di don tɛele kei dɔɔ? Nɔlo be kyaa ya, gyise walan nɔn ɔ be lɛɛ di nyi Yesu yena Wurubuare bu nɔn nɛ, nɔn ne gyae la waa tale di don tɛele kei dɔɔ.

⁶ Yesu Kristo yena walan nɔn ɔ be kɔn tɛele kei dɔɔ te bɔɔ sɔ e Wurubuare lon. Kenan wole na be gyɔɔ e mataa ɔpanɔn ken dɔɔ te ɔ fatabo leewɔ leki. Mɔna na Wurubuare lon kaagen te be sɔɔ e ya, ɔ yɛnawɔ te ɔ fatabo mɔ leewɔ leki. Wurubuare felin nɔn ɔ yɛɛ anokoare felin e nɛ, ne diina nombii kei adanseɛ nyi ke yɛɛ anokoare.

⁷ Mena dɔɔ abɔɔ atooro kenja ne diina nombii kei adanseɛ.

⁸ Wurubuare felin nɔn na lon ken na fatabo ken, te abɔɔ atooro kenja pou ne sɛɛ dɔnɔ.

⁹ Deniwalan de di nombii wose man adanseɛ na dɛɛ lɛɛ ke do, mɔna Wurubuare de di nombii wose man adanseɛ na ka kela deniwalan wui ken. Mena dɔɔ njan pou Wurubuare be yako lee ɔ bu nɔn wose man nɛ kaboena nyi dɛɛ lɛɛ na do.

¹⁰ Walan nɔn ɔ lɛɛ Wurubuare bu nɔn di nɛ, na ɔ gyen ɔ konɔɔ man nyi adanseɛ nombii ken yɛɛ anokoare. Te nyan nɔn n bɛɛ lɛɛ Wurubuare di ya na n ta besena e dekarate.

Nawolo nyi n bɛɛ lɛɛ adansɛɛ keŋ Wurubuarɛ be dii lee ɔ bu ŋon wose man nɛ di ya.

¹¹ Nombii keŋ Wurubuarɛ be yako yɛna nyi ɔ te fa daa nyeedoŋ kekpaɛ, te ɔ bu ŋon dɔɔ te dɛɛ ta na dee nyiŋ mena nyeedoŋ kei.

¹² Lee mena dɔɔ walaŋ kamase ŋon ŋon na Wurubuarɛ bu ŋon dana nɔɔdokolonɔ nɛ, ɔ dana mena nyeedoŋ kei. Te walaŋ kamase ŋon ŋon na Wurubuarɛ bu ŋon be dana nɔɔdokolonɔ ya na, ɔ be dana mena nyeedoŋ kei ya.

Nyeedoŋ kekpaɛ keŋ

¹³ Mɛɛ ŋmarase keŋa maa fa emɛɛ baŋ e be lɛɛ Wurubuarɛ bu ŋon di nɛ, na e ke nyiŋ gyɛŋ nyi e dana nyeedoŋ kekpaɛ keŋ.

¹⁴ Lee mena dɔɔ kpene kamase keŋ dɛɛ sola e na de bɛɛ lɔ wɔɛ ya, nawolo nyi da gyɛŋ nyi akpaɛ da sola e te ke yɛɛ ɔ kegyaebii man na waa yɛɛ fa daa.

¹⁵ Akpaɛ da gyɛŋ nyi da sola e kolo ke gbɛɛ dɔɔ te ɔ ne yɛɛ fa daa na, kenanɔ na da gyɛŋ nyi de nyiŋmaa te kaŋ ŋan dɔɔ sola e nɛ.

¹⁶ Akpaɛ n naa n dɔɔ ne yɛɛ dukum keŋ be gyae ke tira ŋon na Wurubuarɛ nsana kekpaɛ ya nɛ, sola Wurubuarɛ fa e. N sola Wurubuarɛ fa e nɛ, waa fa e nyeedoŋ kekpaɛ. Baŋ be dukum be gyae ke yela baŋ na Wurubuarɛ nsana ke tira kekpaɛ ya nɛ baŋ yaa me dana. Mɔna dukum daale kyaa keŋ ŋolo de yɛɛ na, gyae ke tale tira walaŋ ŋonanɔ na Wurubuarɛ nsana kekpaɛ. Na walaŋ ŋon waa yɛɛ dukum kei dinɔɔ yaa me kpa yaa sola Wurubuarɛ fa e ya.

¹⁷ Nɔn pou walaŋ ne yɛɛ te be dei ya ne yɛɛ dukum ke, mɔna nombiakumɛɛ ŋaale kyaa keŋ ŋe bee tira walaŋ na Wurubuaɛ nsana kekpaɔ ya.

¹⁸ Da gyeŋ nyi Wurubuaɛ bu kamaɛ bee doo dukum keyɛɛ man ya, nawolo nyi Wurubuaɛ bu ŋon ne gyee e mena dɔɔ ɔbɔnsam be gyae waa tale nyiŋ e ya.

¹⁹ Ɔbɔnsam ne di doŋ tɛɛle kei pou balaŋ dɔɔ, mɔna daa dɔɔ da gyeŋ nyi de yɛɛ Wurubuaɛ biawɔ.

²⁰ Da gyeŋ mɔ nyi Wurubuaɛ bu ŋon te kɔŋ kaa yela de ta gyeŋ Wurubuaɛ gbagba ŋon. Keŋ daa na ɔ bu Yesu Kristo dana nɔɔdokolon dɔɔ, daa na Wurubuaɛ gbagba kei mɔ dana nɔɔdokolon. Nɔn waagen yɛna Wurubuaɛ gbagba ŋon ɔ ne fa deniwalaŋ nyeedon kekpaɔ keŋ.

²¹ Me bia kpaakpaɔ, ɛ wɔŋ ɛ wose lee bɛɛneŋ ɔsom man.

**WURUBURE NOMBIA KPAAKPAA
NŊŊKEBAKESEE WŊLE**
The New Testament in the Delo language of Ghana:
**WURUBURE NOMBIA KPAAKPAA NŊŊKEBAKESEE
WŊLE**

copyright © 2006 Wycliffe Bible Translators, Inc.

Language: Delo

Contributor: Wycliffe Bible Translators, Inc.

All rights reserved.

2025-05-17

PDF generated using Haiola and XeLaTeX on 11 Jun 2026 from source
files dated 17 May 2025

80e9f745-c10c-5e3f-94bb-9d65aa1a1b11